

陸放翁全集

劍南詩稿

冊三

卷之三

七

劍南詩稿目錄

卷第九

秋興

夜飲

莫秋二首

夜雨有感

道室

飯罷戲作

初冬夜宴

冬夜醉歸復小飲

病酒述懷

數日暄妍頗有春意予閒居無

日不出遊戲作

遣興

趙將軍并序

江樓

醉中作

曳策

謁漢昭烈惠陵及諸葛公祠

字遙夜

遠遊

大雪歌

簡譚德稱

排

悶

夜意三首

玉局觀拜東坡先生海外畫

像

心太平菴

訪客至西郊

得都下八月

書報蒙恩牧敘州

晚起二首

江樓吹笛飲

酒大醉中作

晚登子城

夙興出謁

十一

月三日過升仙橋作三絕

遣興

草堂拜少

陵遺像

青羊宮小飲贈道士

夜寒二首

書懷

記夢二首

醉中出西門偶書

訪客

不遇

劍客行

故蜀別苑在成都西南十五

六里梅至多有兩大樹夭矯若龍相傳謂之梅龍予初至蜀嘗爲作詩自此歲常訪之今復賦

一首丁酉十一月也

閒意

飲罷夜歸

江

亭冬望

大風登城

書雨

一笑

歲晚懷

鏡湖舊隱慨然有作

華髮

歎息

冬至

城南尋梅四首

書歎

感興二首

莫冬夜

宴枕上

謁石犀廟

江上散步尋梅偶得

三絕

漣漪亭賞梅

芳華樓賞梅

浣花賞

梅

蜀苑賞梅

大醉梅花下走筆賦此

之

廣都憩鐵像院

廣都江上作

宿龍華山中

寂然無一人方丈前梅花盛開月下獨觀至中  
夜次韻張季長正字梅花

次韻季長見示

廣都道中呈季長

看梅歸馬上戲作五首

別後寄季長

中夜對月小酌客愁

詩

酒

道室夜意

道室晨起

城南王氏莊尋

梅遊萬里橋南劉氏小園

過祚橋道中龍

祠小留 道上見梅花 倚樓 寄王季夷

丁酉除夕 正月二日晨出大東門是日府公

宴移忠院 小飲落梅下戲作送梅 立春

初春出遊戲作 初春遣興三首 予年十六

始識葉晦叔於西湖上後二十七年晦叔之弟  
聲叔來爲臨邛守相遇於成都晦叔沒久矣訪  
其遺文略無在者乃賦此詩 初春探花有作  
遊諸葛武侯書臺 觀花 張園觀海棠

月夕 夜飲卽事 夜宴賞海棠醉書 二月  
十六日賞海棠 卽席 東歸有日書懷 眉

州披風榭拜東坡先生遺像

華夏來歸。朝貢者皆稱之爲天子。其後漢人笑中國  
無能知兵。故西歐主張二十六年。謂中國人誤  
呼秦始皇。趙高者。時秦始皇與王翦。子良。大  
宴於中宮酒殿。小食客多醉。而犯前殿幕。立春

# 劍南詩稿卷第九

宋 陸游 務觀

## 秋興

成都城中秋夜長燈籠蠟紙明空堂高梧月白繞飛鶻衰草露溼啼寒蟹堂上書生讀書罷欲眠未眠偏斷腸起行百匝幾歎息一夕綠髮成秋霜中原日月用胡曆幽州老酋著柘黃榮河溫洛底處所可使長作旃裘鄉百金戰袍鷔鵠盤三尺劍鋒霜雪寒一朝出塞君試看日發寶雞莫長安

## 夜飲

引劍酣歌亦壯哉要君共覆手中盃秋鴻陣密橫江去莫角聲酣戰雨來莫恨皇天無老眼請看白骨有青苔中年倍覺流光速行矣西郊又見梅

## 莫秋

時序中年速風霜客路長孤愁巴月白清夢楚山蒼  
燈暗秋銜壁鐘疎夜殷床端居有微祿不敢恨殊方

又

萬里歸無策八年淹此留羞蒙子公力寧倦長卿遊  
聽雨瀟湘夜飛鷹鄂杜秋更須論富貴此計亦悠悠

夜雨有感

北風吹雨暗江郊十月僧廬旋補茆病馬敢希三品  
料驚禽聊借一枝巢少時諸老爭求識晚歲殊方罕  
定交閉戶不妨新得趣丹經盈篋手親抄

道室

一室冷如冰人凝在定僧手稱丹竈火紗護佛龕燈  
食減形雖槁心虛氣自凝平生坐忘論字字欲銘膺

飯罷戲作

南市沽濁醪浮蠻甘不壞東門買彘骨醯醬點橙鱠  
蒸雞最知名美不數魚蟹輪囷犀浦芋磊落新都菜  
欲賡老饕賦畏破頭陁戒況予齒日疎大巒敢屢啜

杜老死牛芻千古懲禍敗閉門餌朝霞無病亦無債  
初冬夜宴

絲管紛紛燭滿堂。梟盧擲罷夜飛觴。帷犀風定歌雲暖。  
香獸煙濃漏箭長。泛菊已成前日夢。探梅又續去年狂。  
醉歸自笑摧頰甚。冷逼貂裘怯曉霜。

冬夜醉歸復小飲

野外歸來晚。空庭露氣新。乍晴雲妬月。多病酒欺人。  
倚杖行吟久。投盃起舞頻。早梅消息動。春事漸關身。

病酒述懷

閑處天教著放翁。艸廬高臥笮橋東。數莖白髮悲秋後。  
一醜青燈病酒中。李廣射歸關月墮。劉琨嘯罷塞雲空。  
古人意氣憑君看。不待功成固已雄。

數日暄妍頗有春意。予閑居無日不出遊。戲作小春花蕾索春饒。已有暄風入紫貂。村路雨晴鳩婦喜。射場草綠雉媒嬌。苑邊結客飛金勒。樓上誰家弄玉簫。莫怪夕陽歸獨後。早梅喚我度谿橋。蜀宣華苑在。

摩訶池上

遣興

耆舊日凋謝將如此老何憇拈如意舞狂叩睡壺歌  
郡縣輕民力封疆恃虜和功名莫看鏡吾意已蹉跎

趙將軍并序

客爲予言靖康建炎間關中奇士趙宗印者  
提義兵擊虜有衆數千所向輒下虜不敢當  
會王師敗於富平宗印知事不濟大慟於王  
景略廟盡以金帛散其下被髮入華山不知  
所終予感其事爲作此詩

我夢遊太華雲開千仞青壁山瀉黃河萬古仰巨靈  
往者禍亂初氛祲干太寧豈無臥雲龍一起奔風霆  
時事方錯謬三秦盡羶腥山河銷王氣原墜失大刑  
將軍散髮去短劍斷袂苓定知三峯上爛醉今未醒

江樓醉中作

淋漓百榼宴江樓秉燭揮毫氣尚遒天上但聞星主

酒人間寧有地埋憂生希李廣名飛將死慕劉伶贈醉侯戲語佳人頻一笑錦城已是六年留退之詩云越

女一笑三年留

曳策遊房園作

慈竹蕭森拱廢臺醉歸曳策一徘徊紛紛落日牛羊  
下黯黯長空霰雪來三峽猿催清淚落兩京梅傍戰  
塵開客懷已是淒涼甚更聽城頭畫角哀  
來相照  
謁漢昭烈惠陵及諸葛公祠宇

雨止風益豪雪作雲不動淒涼漢陵廟衰草臥翁仲  
畫妓空笙竽土馬闕羈鞚壞沃黃犢耕柏密幽鳥哢  
尚想忠武公身任社稷重整整渭上營氣已無岐雍  
少須天意定破賊寧患衆興士信有數星隕事可痛  
陵邊四五家茆竹居接棟手鍛紙上箔居民皆以造紙爲業  
醅熟酒鳴甕雖嗟生理微亦足追飢凍劉葛固  
雄傑閱世均一夢論高常近迂才大本難用九原不可作再拜臨風慟

遙夜

遙夜雨聲急愔愔窗戶幽開編堯舜在得句鬼神愁  
同俗愚儒臯容身壯士羞燈殘不成睡曉角動南樓  
遠遊

遠遊行復歲華新嬾學劉郎問大鈞一點不蒙稽古  
力十分合作臥雲身苦寒與酒頓增價小雨爲梅先  
辟塵擬佩一壺江路去花邊醉墮白綸巾

大雪歌 累日作雪竟不成戲賦此篇

長安城中三日雪潼闢道上行人絕黃河鐵牛僵不  
動承露金盤凍將折虬鬚豪客白衣裘夜來醉眠寶  
釵樓五更未醒已上馬衝雪却作南山遊千年老虎  
獵不得一箭橫穿雪皆赤擎空爭死作雷吼震動山  
林裂崖石曳歸擁路千人觀髑髏作枕皮蒙鞍人間  
壯士有如此胡不來歸漢天子

簡譚德稱

幼輿骨相稱山巖自要閑遊不避謠錦里先生爲老

伴玉霄散吏是頭銜探春苑路花參帽看月江樓酒  
滿衫惟恨題詩無逸氣媿君陣馬與風飄

排悶

世事何知與願違十年高臥看羣飛獵圍花市無人  
問漁艇煙村有夢歸銀燭焰長搖酒浪寶刀佩穩壓  
戎衣君看白首寒窗客俠氣縱橫亦未非

夜意

名姓人誰記形骸老漸侵酒慳停劇飲詩退負高吟  
雨隔疎更斷雲藏古院深衰遲常兀兀惆悵少年心

又

心清知睡少氣定覺神凝但有一無媿何妨百不能  
燈昏如隔霧研冷欲生冰兀爾遺身世東窗待日升

又

瘴地晨霜薄郊墟莫雨昏啼蟹如有恨微火解相溫  
末路真無策孤忠敢自言輪囷肝膽在白首倚乾坤  
玉局觀拜東坡先生海外畫像

商周去不還盛哉漢唐宋蘇公本天人謫墮爲世用  
太平極嘉祐珠玉始包貢公車三千牘字字峩飛動  
氣力倒犀象律呂諧鸞鳳天驥西極來矯矯不受鞚  
飛騰上臺閣廢放落雲夢至寶不侵蝕終亦老侍從  
晚途遷海表萬里天宇空豈惟騎鯨魚遂欲跨蠶鰐  
心空物莫撓氣老筆愈縱粃糠郊祀歌遠友清廟頌  
我生雖後公妙句得吟諷整衣拜遺像千古尊正統  
心太平菴余取黃庭語名所寓室

天下本無事庸人擾之耳曾中故湛然忿欲定誰使  
本心倘不失外物真一蠶困窮何足道持此端可死  
空齋夜方中窗月淡如水忽有清磬鳴老夫從定起  
訪客至西郊

撼撼敗葉飛黯黯寒雲低村墟與市里觸目一慘悽  
今日病體輕駕言適城西丹柿滿野店青帘出江隈  
獵騎載雉兔樵櫨懸鶉雞居人各自得使我念故谿  
故谿不敢說況復朝金闈傷哉齧雪翁歲晚猶牧羝

下愚不自還大惑終身迷君恩何由報力耕愧黔黎  
得都下八月書報蒙恩牧敘州

鳳城書到錦江邊故里歸期愈渺然掌上山川初入  
夢壺中日月尚經年方輪落落難推轂倦馬駸駸怕  
著鞭未佩魚符無吏責看花且作拾遺顛戊期尚在明  
年冬

晚起

賣劍捐書絕世緣掩關高枕送流年久從道士學踵  
息誰管門生嘲腹便化蝶飛時嗟昨夢睡蛇去後喜  
安眠欠伸看起東窗日也似金鑾過八軒

又

學道逍遙心太平幽窗鼻息撼牀聲柳花無帶蠻虧  
暖龜甲有紋繒帳明候起兒童陳盥櫛笑衰人客闌  
柴荆此生睡足無餘念安用元戎報五更

江樓吹笛飲酒大醉中作

世言九州外復有大九州此言果不虛僅可容吾愁

許愁亦當有許酒吾酒釀盡銀河流酌之萬斛玻瓈  
舟酣宴五城十二樓天爲碧羅幕月作白玉鉤織女  
織慶雲裁成五色裘披裘對酒難爲客長揖北辰相  
獻酬一飲五百年一醉三千秋却駕白鳳驂班虬下  
與麻姑戲玄洲錦江吹笛餘一念再過劍南應小留

晚登子城

江頭作雪雪未成北風吹雲如有營驅車出門何所  
詣一放吾目登高城城中繁雄十萬戶朱門甲第何  
崢嶸錦機玉工不知數深夜窮巷聞吹笙國家自從  
失河北煙塵漠漠暗兩京胡行如鬼南至海寸地尺  
天皆苦兵老吳將軍獨護蜀坐使井絡無攏槍名都  
壯邑數千里至今不聞戎馬聲安危自古有倚伏相  
持默默非敵情棘門灊上勿兒戲犬羊豈憚渝齊盟

夙興出謁

嗜酒狂無敵居家嬾有餘苦寒愁手版美睡付肩輿  
覓句吟哦慣逢人省識疎亦知歸去好無地著蝸廬

十一月三日過升仙橋作

早過升仙不暇炊  
橋邊買餅療朝飢  
紛紛滿座誰能識  
大似新豐獨酌時

又

熨手金鞭天馬駒  
冰河雪谷笑談無  
只言燕趙多奇士  
豈必書生盡腐儒

又

橋邊沙水綠蒲老  
原上煙蕪黃犢閑  
老子真成興不淺  
憑鞍歸夢遙家山

遣興

蓬壺舊隱已微茫  
浪迹紅塵樂未央  
縱酒山南千日醉  
看花劍外十年狂  
新詩刻燭驚詞客  
駿馬追風戲鞠場  
要是世間男子事  
不須臺省競飛翔

艸堂拜少陵遺像

清江抱孤村杜子昔所館虛堂塵不掃小徑明可款  
公詩豈紙上遺句處處滿人皆欲拾取志大才苦短